

11
60

東泉圖書館				
五	六	二	一	
冊	号	架	函	類

東泉圖書館
五冊
六号
二架
一函
類

相傳十九年五月一日

槐安國語卷下之上

龍寶開山語錄中事 住崇福語要

山門門頭實地 ○四方八面絕遮欄鐵山當面勢崔

嵬鐵壁銀山絕來往箇箇踏著 ○誰是踏著底人出

無門入無戶曠劫無明當下灰因甚諸人隨我入得

喝一喝 ○善財纔入得樓閣門乍閉

佛殿前佛後佛隱顯非一 ○昨夜三更失却牛今朝

天明失却火吐 ○虛空消殞鐵山摧 不因新長老

證明知他一對無孔鐵 ○無孔鐵鎚重下擻

土地堂護法先須識得主人公 ○按牛頭喫草話作

相傳十九年五月一日

兩楹演若達多尋覓頭阿誰是主人公 ○南天台北

五臺頭長三尺脚短一寸相對無言獨足立扣齒三

下云東西南北一等家風 ○燈籠跳入露柱佛殿走

出山門張公喫酒李公醉

祖師堂者一隊老漢惜乎坐在者裏 ○咄哉拙郎君

巧妙無人識打破鳳林關著靴水上立提起坐具云

若不行此命誰敢得扶起 ○桑柘影斜秋社散家家

扶醉人得歸

方丈橫拄杖云關中主能解與本分草料 ○點滴不

施朝打三千暮打八百點檢見來依舊小賣弄鳥嘴

薄舌莫胡亂供款去靠拄杖 ○明頭來也明頭打暗

頭來也暗頭打

拈帖温潤之文 ○直鈎鈎驪龍曲鈎鈎蝦蟆蚯蚓格

調之氣 ○君子愛財取之有道 直饒衲被蒙頭奚以

讓為之義 ○龍得水時添意氣虎靠山色長威懾

山門疏成言於語成語於言如何如何 ○傭他癡聖

人擔雪共填井 官不容針 ○古殿深沈曉未開玉簫

吹徹鳳凰臺

法座諸人喚作高廣座子 ○是斯須彌燈王佛所賜

者歟吾者裏不要者般閑家具何故頭枕天台足踏

南嶽山僧喚作者箇座子。○坐斷毘盧頂，顛曾不見。有佛祖何故，一步云只為到與麼地。○移身不移步，移步不移身。

師陞座拈香云。○天蓋不得地，載不得此，一瓣香。○

向爐中。○無角鐵牛，恭為祝延。

今上皇帝聖躬萬歲萬歲萬歲。○卓彼南方美人

形模，一天真陛下，恭願龍圖永固，玉葉彌芳。○天地折腰稱祖，虛空束手道親。

次拈香云此，一瓣香。○上透霄漢，下徹黃泉，熱向爐

中奉為

征夷大將軍增崇，祿筭伏願高贊域中之德，長提塞外之命。○正考父一命而偃，再命而僂，三命而俯，循墻而走，孰敢不軌。

又拈香云此，一瓣香。○枝柯衝九霄，根盤徹三泉，熱

向爐中奉為大檀主，筑州大空門泊都督司馬增崇，祿筭伏願扇威風於千歲，輝佛日於萬世。○神功浩

浩聖德昭昭，凡有禱祈，必蒙感應。

拈香云此，香熱向爐中。○乾坤失色，日月藏光，供養

前住巨福名山建長禪寺先師

敕謚圓通大應國師南浦和尚大禪師用酬法乳之

恩 ○鴉羽狼膽猫頭狐涎一金煉來拋向面前

師歛衣就座云明鏡當臺明珠歷掌要分妍醜者直
下來相見有麼有麼時有僧問綠樹陰濃夏日長樓
臺倒影入池塘師云時節難逢僧云和尚辭帝里
皇帝留之更向甚處通一路來師云鐵船水上浮僧
云寰中天子敕驛師云誰不承恩僧云與麼則杲日
麗天清風匝地師云大方無外僧云記得保壽開堂
三聖推出一僧意旨如何師云白雲深處金龍躍僧
云壽便打又作麼生師云碧波心裏玉兔驚僧云若
忽有人推出一僧如何祇對師云風光可愛僧云者

箇且置今日還有禁足安居底道理麼師云大家在
者裏僧云十五日結制則不問即今一時結去者師
云處處綠楊堪繫馬僧云恩大難酬師云能有幾人
僧禮拜

師乃云世尊拈華迦葉微笑 ○謂雀之終則蛤實始

焉謂蛤之始則雀實終焉 君子愛財取之有道 ○大

明無私照至公無私親謹謝大師指示 正法眼藏從

此流通 ○源不淺其流不遠 近代傳持受虛接響 ○

西天四七東土二三只傳此些子 激揚鋒鏘坐斷古

今 ○覺掛奪命神符口咬法窟爪牙 珠回玉轉八面

玲瓏 ○處孤峯者救入荒州隨荒州者救處孤峯迄

于其大機圓應大道無方 ○明眼衲僧具透關眼風

驚草動盡辨來機 一賓一主擒縱擗收放明暗電

轉星飛 ○譬如金翅鳥王入阿盧大海擊開雪浪直

取龍吞 窮則變變則通 ○理盡詞窮伎亦窮鳳雛金

網鶴脫籠 青於藍寒於水 ○見齊師則滅師半德見

過師正堪傳授 聽教挺拔威音那畔蕭然空劫已前

○七佛已前四時春現成公案猶今日 况亦清風明

月多雅興白雲流水寬詩緣 ○金屑雖貴落眼成翳

若見諸相非相即見如來 四海九州雷動風行漁歌

樵唱共賀太平 ○帝網重重丰伴無盡懷州牛喫禾

葦州馬腹脹 正當與麼時人人禁足護生人人剋期

取證 ○新婦面上添笑靨却向錦繡幕裏行 皇恩佛

恩一時報了底事又作麼生 ○天高東南地傾西北

擊拂子云版圖遠奏堯天濶萬物呈祥樂 聖情 ○

鳳凰翔于千仞兮覽德輝而下

復舉三聖道我逢人即出出則不為人 ○蓬蒙善射

不能用不調之弓 興化道我逢人則不出出即便為

人 ○孫吳善將不能戰不習之卒 師云一大者可謂

漆隱處黑朱隱處赤 ○造父善御不能策不服之馬

若是山僧底天平地平。○伏以堂頭和尚萬福。卓拄杖下座。

當晚小叅僧問三月安居九旬禁足則不問遠離華洛親到嶽峯下句如何師云八角磨盤空裏走僧云和尚住此山以何安衆師云山色夕陽時泉聲中夜後僧云與麼則大衆飽德去也師云無限清風來未休僧云德山小叅不答話有問話者三千捧意旨如何師云去得來不得僧云趙州小叅要答話有問話者置將一問來又作麼生師云來得去不得僧云今夜小叅要答話不要答話耶師云出頭天外看誰是

我般人僧云三大老用處莫止一般麼師云教你休也不肯休僧云若如是則一卽三三卽一師云吽吽僧云學人今夜小出大遇便禮拜師云撒手那邊去乃云今夜要與大衆有箇識面之話各各切宜起倒分明。○平令常行十方坐斷諦觀法王法法王法如是陵王溪畔此君亭邊。○帝網重重主伴無盡諸人知有未得做主。○用盡鉤鉅意買絹先揀綾崇福區字件件數目。○鳥之長頸銜距者羽類畏之山僧做主未辨大毫。○獸之方喙鉤爪者毛群畏之既一其居爲甚受用不同還會麼。○魚之哆唇鋸齒者鱗族

畏之 所以道欲識佛性義當觀時節因緣 ○眼者東

南心在西北 明朝賴是結制安居之辰箇箇成熟慧

身 ○虎頭戴角出荒州 坐底立底禁著磕著 ○蝮蛇

吞象三年而出骨 自然不得孤負者箇 ○神沙怒眼

晴便卓主丈一下

復舉雲門因有官問佛法如水中月是也無 ○賓主

歷然自門入者不是家珍 門云清波無透路 ○奔車

之上無仲尼覆舟之下無伯夷 師拈云以答見問問

最可 ○篋髮而梳數米而炊 以問見答答未奇 ○木

與木相摩則然 且道諸訛在甚處 ○公驗分明 具眼

禪流請辨緇素者 ○國師慈訓誰敢輕忽

次日上堂我箇一眾與尋常不同 ○有什麼長處誰

家竈裏火無煙 跳出金剛圈吞透栗棘蓬 ○何難之

有未是分外事 激電神機雲飛颺到 ○遲八刻拘不

以善吠為良人不以善言為賢 既而如此今朝因甚

要行不行要住不住還會麼 ○生而美者人與之鑑

不告則不知其美於人也 擊拂子云塌薩阿竭二千

年 ○噴

五月且上堂僧問聲前薦得未是作家喝下兼當猶

是鈍漢為什麼如此師云石壓笋斜出岸懸花倒生

進云猶是學人疑處師云鳳林吒之進云記得僧問投子如何是十身調御投子下禪牀立意旨如何師云頂上無骨進云又問凡聖相去多少投子亦下禪牀立意在郎裏師云領下有鬚進云若有人問如何是十身調御如何祇對師云眼中童子面前人進云上來一一指示分明為人底一句又作麼生師云三十年後自悔去亦不定

乃云崇福有三訣 ○和尚事生也家無白澤圖有如此妖怪 若參得第十訣許你拄杖頭上挑日月 ○寒毛卓豎何計有者般事 若參得第二訣不妨拂子頭

上打筋斗 ○甚新鮮何處得者消息來拂子上且置平地亦不能 若參得第三訣我且問你山前麥熟也未 ○入恁麼去誰之不才其卵嫩矣君不才其民窮矣

端午謝檀家補寺齋上堂僧問今朝五月端午不用畫符咒土請師現量法門一句直下至論師云一峯雲片片雙礪水潺潺進云家無白澤之圖又作麼生師云將謂要問話漢進云善財撞著文殊底時節且置天澤三轉語還許學人咨參也無師云鑽之是仰之是進云已眼未明底因甚將虛空作布袴著師云

脛無毛股無肉進云劃地為牢底因甚透者箇不過
師云脚下荆棘深數丈進云入海筭沙底因甚針鋒
頭上翹足師云覺築著你鼻孔麼進云恁麼則金殿
譚禪大悅阜情嶽峯聲道奔走衲子也未為分外
在師喝云非阿你境界進云錦上鋪花又一重師云
咦

乃云端午天中節 ○日日是好日刻好肉生瘡諸方
盡咒土書壁以消妖怪 ○一對鴛鴦畫不成認採藥
摸樣落草以作伎倆 ○鴛鴦繡出從君看莫把金針
度與人爭如我者裏有不忘靈山付囑之人 ○伏以

和尚萬福

忽展妙術之手技貧做富 ○好箇消息一

衆箇箇石人之機鐵漢之用 ○石人機若似你也解

唱巴歌 風吹不入水洒不著 ○鐵壁銀山絕來徃吹

毛截不入輪鎚擊不開 諸人要見此人麼 ○若得見

非此人此人即不見冰壺無影像 卓拄杖云切諱當

面諱却 ○光明無背面波斯說夢入市中

和泉和尚至上堂僧問長松嶺頭風颭颭飛瀑岸前
水潺潺現成公案太難太難如何履踐師云好向大
難處履踐進云恁麼則薰風自南來殿閣生微涼師
云認驢鞍橋作阿爺下頷進云和尚有二訣一一詐

咨參也無師云何妨問將來進云若參得第一訣許
 你拄杖頭上挑日月意旨作麼生師云虛空迸裂進
 云若參得第二訣不妨拂子頭上打筋斗又如何師
 云山岳起舞進云若參得第三訣我且問你山前參
 熟也未意在耶裏師云眼睛烏律律進云者箇三訣
 畢竟明得什麼邊事師云金香爐下鐵崑崙
 乃舉興化見同參來唱底公案○陳年曆日休拈出
 師云古人只要就價高處欠篤其管賞之義○蠅見
 血鶻見鳩崇福今日得和泉和尚光訪事事自然函
 蓋相應○明窓下喫幾枚齋麩何故擊拂子云覓火

和煙得擔泉帶月歸○周火齊鏡闈中見物如畫初
 僧銚鐵鏡逢知音無影像

退院上堂衲子從來無定迹○譬如雁過長空影沈

寒水雁無遺蹤之意水無留影之心天涯海角任情

遊○驪山舉燧依褒姒蜀道蒙塵為太真和尚依何

流落海外一毫頭上辭華洛○猶是衲僧家常茶飯

未是分外事三鼓聲中出九州○遲八刻日見石之

白而不見石堅手知之堅而不知其白真人行李佛

魔亦不能辨蕩蕩哉

槐安國語

崇福錄畢

龍寶開山語錄中事

退橫岳歸
本寺語要

七月且上堂秋雲清淡秋水清冷

○餓鬼見之為火

聚膿血修羅見之為刀兵戈戟諸天見之為瑠璃玻

璃衲僧見之却為什麼東西與南北觸處嫩涼生○

無影樹下，命同船瑠璃殿上無知識

且道其中事作

麼生 ○屬之人夜半生其子遽取火而視之汲汲然

而唯恐其似已也

卓拄杖云四海隆平煙浪靜斗南

長見老人星

○一畝之地三蛇九鼠負重道遠者不

擇地而休家貧親老者不擇祿而仕

解夏小參隨處作主

○道也者不可須臾離也可離

非道也吾道一以貫之

結聖制於橫嶽山頭立處皆

真

○短袴長衫白苧巾啣月卞急推輪

解賞勞於

龍寶峰頂

○洛陽路上相逢著盡是經商買賣人此

事不相謾時不孤負人

○時節到其理自顯

破衲逐

雲飛草鞋隨路轉

○永平祖師曰隨東西風徒東西

附正法魔黨謗正法外道

左足先應處脚頭是通霄

○擬欲北斗裡藏身須向南辰後合掌

何必落臺山

驀直之途轍

○勘破了也一勘破二勘破臺山路上

多荆棘慕流菜不肯之道伴

○在德山並吞宜鑑取

鰲山欺誰象骨底瞎老漢歎馬腮驢頰鬼亦不好看

雖然如是山僧有親切一句子

○鴉羽狼膽猫頭狝

涎伏乞掘土濇埋

各各分明善為處處不得忘却

兩朝國師慈訓誰敢違犯若是親切句子願付別人

便卓拄杖一下

復舉文殊三處度夏公案

○二千年禍孽聚向無生

國裏猶是陳年舊曆日

師云文殊當年於列聖眉毛

裏雖藏得渾身

○人人盡有者箇針鋒頭上蝶螟眼

裏藏身顯影未為分外

二千年後未免遭人點檢

縱使分明點檢得出堪為何用

何故擊拂子云雲在

嶺頭閑不徹水流澗底太忙生 ○李陵振臂一呼創

次日上堂風到梧葉露凝桂花 ○美玉蘊於砥礪九

人視之快焉良工砥之然後知其和寶無寸草地不

較其多 ○却覺寒毛卓豎莫教語默逢人對回首忽

然是月華 ○明月珠夜光璧以暗投人於道路衆莫

不按劍相駘者

八月且上堂八月初一日天下太平節人人樂無為

○王登寶殿野老謳歌箇箇穴難絕 ○只聽堯民擊

壤歌且道因箇什麼如是 ○放下著事起叮嚀卓拄

杖一下云分一節 ○分一節倒一說又是玄沙道底

中秋上堂拈拄杖卓一下云靈山指者箇 ○五千四

十八卷全無者箇消息莫謗釋迦老子好曹溪話者

箇 ○本來無一物何處惹塵埃舉頭殘照在元是住

居西我者裏不指不話還在親疎也無 ○治膏肓者

必進苦口之藥決狐疑者必告逆耳之言又卓一下

云無人知此意令我憶南泉 ○樂樂樂白自目

臘八上堂澄月映徹衆星粲朗 ○柳折山形拄杖子

從來大地黑漫漫箇中無悟處世尊何悟道 ○若有

悟處須吐却壓良作賤卓拄杖一下云二千年前二

千年後 ○兔角龜毛過別山

除夜小參日 一上月 一上晝 一上夜 一上 ○無孔鐵

錘當面擲 窮到 一十二箇月數到 三百六十日 ○一

念萬年萬年 一念無陰陽地 荆棘參天 謂之新舊交

頭除夜結尾 ○吾者裏無者箇消息 諸人若使身在

舊年不發新定機 ○削圓方竹杖 也使心在新年失

却本來用 ○鞞却紫茸種 所以北禪烹露地 白牛祖

翁挑半宵之燈 ○一對無義老凍膿上 衲僧秤子秤

一箇重半斤 一箇重八兩 雖然如是 山僧終不入與

麼窠窟 ○秋夫曠野行人 斷馬首西來 知是誰 何故

腸雪連天白 春風逼戶寒 ○倒把少林無孔笛 逆風

吹了順風吹

復舉僧問香林萬頃荒田是誰為主 ○千年滯貨休

拈出 林云看看臘月盡 ○地獄門前鬼脫卯勢疑則

隙生力侔則亂起 師拈云此箇時節最是可愛 ○面

上夾竹桃花肚裏參天荆棘 來日定大年 一眾須保

愛 ○可惜許

正且上堂鳳曆開元日 王春肇始時 ○借婆裙子拜

癸年元正啓祚萬物咸新 雪寒北嶺梅香南枝 ○木

扎羹鐵釘飯 好箇好時節 龍天須匡持 ○國無災害

之變民無飢寒之色云何_レ臣持云何_レ降伏其心_レ且道

以何_レ為驗卓拄杖一下便下座○鴻飛冥冥_レ者何_レ慕

元宵上堂僧問今朝上元節處處掛燈毬意旨如何

師云風吹不入進云只將此正言以祝天下春師云

知言之漢進云記得僧問香林如何是室內一盞燈

此意如何師云言鋒冷似冰進云林云三人證龜作

鼈又作麼生師云利舌硬如鐵

乃云燈燈相續燈燈無窮○長安風月明於晝那箇

男兒摸壁行處處列夜光珠○自是鳳凰臺上客服

高看不到黃金頭頭莊夜明符○金屑雖貴落眼成

賢只此光輝底都從者裡○出沒卷舒一任國師只

惜欠顧鑑機○普○千金之裘非一狐之腋大厦之材

非一丘之木太平之功非一人之畧擊拂子一下

佛涅槃上堂僧問今宵夜半世尊入涅槃兒孫以何

酬法乳師云杜鵑啼斷月如晝進云與麼則解知恩

報恩師云也何妨進云世尊昔在靈山會上拈起一

枝花此意如何師云萬里一條鐵進云迦葉獨微笑

意在那裡師云金不博金

乃云我若謂滅度非我弟子○幽州猶自可_レ我若謂

不滅度亦非我弟子○最苦是江南當年若有人道

生薑終不改辣。○謹謝國師指示，或吹火而然，或吹

火而滅，所以吹者異也。

非但救得釋迦老子也，須扶

得一會列聖。○釋迦老子有甚麼過，然一會打什麼

罪累。

何故良久云：紅霞碧靄籠高低，芳艸野花一様

春。○毛嬙西施，善毀者不能蔽其顏，嫫姆倭鬼，善譽

者不能掩其醜。

三月且上堂，山花開似錦，澗水湛如藍。○紫羅帳裏

撒真珠，自主無瑕。

堅固法身太無端，大龍何處露心

肝。○佛身充滿於法界，普現一切群生，前面前露堂

堂，大龍若吐露心肝，淨地上，厨諸人見得不無。○用

見得為什麼者，見得眼瞎。

因甚不解舉得。○若舉着

喪身失命話，作兩楸。

擊拂子云：又逐流鶯過短牆。

海神知貴，不知價。

上堂：一即一切，一切即一。○殘羹餽飯，縱美食不中

飽人喫。

拈拄杖卓一下云：三祖大師無端穿柳巷，入

花街，忽然逢着。○唯有一乘法，無二亦無三，萬里一

條鐵，不離當處，常湛然，只有國師忽然逢着。

幽鳥語

喃喃辭雲入亂峯。○快鷹追不及，在前忽焉，在後合

掌低頭道：揭諦揭諦是什麼道理，諸人各辨別。○以

仲尼之讓也，而見忌子西以仲尼之仁也，而取讐於

桓雅 又卓拄杖下座

佛生日上堂僧問釋迦老子今日初下閻浮四眾臨筵願聞法要師云斧頭元是鐵進云薔薇滴露楊柳籠煙莫是瞿曇真面目麼師云莫認驢鞍橋作阿爺下頷進云世尊初生下時周行七步下手指天一手指地是什麼心行師云鐵丸無縫罅進云稱天上天下唯我獨尊不是傍若無人麼師云他後有雲門下棒在進云雲門棒頭還相當也未師云焦磚打著連底凍

乃云指地指天稱獨尊 ○南天台北五臺鄭州梨青

川素月在青天水在瓶

顛言倒語卒難論 ○洪波振

壑川無恬鱗驚風拂野林無靜柯

金容萬德有誰看

○若以色見我以音聲求我是人行邪道不能見如

來徧界堂堂常獨存 ○或如張婆耳又似李母眉 雖

然如是一杓惡水更難放過 ○舜無卓錫之地禹無

十戶之聚 以拂子擊禪床一下

結夏小參僧問結制已前月白風清豈不是成就慧

身底時節師云刺破眼睛進云結制已後風清月白

向甚麼處剋期取證師云三生六十劫進云今夜小

參緊要一句不落結制前後願聞提唱師云勘破了

也進云和尚布縵天網子籠絡衲子忽如有透得金剛圈底漢亦作麼生羅籠得他師云森森夏木杜鵑啼進云恁麼則可謂隨處作主立處皆真便禮拜師云且坐地商量

乃云鵝護雪鴈人冰 ○風吹柳絮毛毬走雨打梨花

蛺蝶飛古今結制榜樣衲子禁足風規 ○荷葉團團

團似鏡菱角尖尖尖似錐 三月九旬內於七尺單前

澄瀟身心成熟本智 ○若是本智豈其有成熱麼情

與無情一齊安居 ○前三三後三三九聖同居龍蛇

混雜無前無後同時寂定 ○若見諸相非相即見如

來謂之以太圓覺為我伽藍 ○上無片瓦蓋頭下無

寸土立足萬里一條鐵 身心安居平等性智 ○身心

不二不二身心何處安著平等性智 若其逐境走作

隨物紛拏無有此處 ○渴鹿馳焰癡猿捉月眾生顛

倒迷己逐物 正與麼時本色行脚師僧入此保社 ○

若是本色行脚衲僧不入此保社 不入此保社擊拂

子云金屑雖貴落眼成翳 ○無視猶有草裡坐

復舉僧問雲門如何是諸佛出身處 ○五鳳樓前問

洛陽句裏呈機劈面來 ○門云東山水上行 ○同條

生也兔馬有角不同條死牛羊無角 韶陽只要箇箇

以鐵壁為戶牖去○萬古微猷可愛可貴所以言我

愛韶陽新定機一生為人抽釘拔楔山僧不然若有

人問如何是諸佛出身處便對佗道鷲峰山色青更

青○艸食之獸不疾易藪水生之蟲不疾易水且道

那箇親○朝三暮四 那箇疎○暮四朝三 分明辨別

看○無故以合者則無故以離

次日上堂僧問樹頭紅稀林下綠暗好箇時節請師

提唱師云萬里一條鐵進云恁麼則薰風自南來殿

閣生微涼師云見之不取思之千里進云今朝盡是

護生安居當圖何事師云著黑衣護黑柱進云如朝

行西天暮歸東土還有禁足分麼師云我者裡呼作

走作漢進云學人今夏依附和尚有何方便師云只

此一問從何來進云若不登樓望焉知滄海波便禮

拜師云何必

乃云今日是結制一眾各禁足○我常住於此常說

法教化無數億衆生 眼睜重千斤掌裡伸兩脚是箇

什麼道理○走不以手縛手走不能疾飛不以尾屈

尾飛不能遠 三條椽下摸索○待來年蠶麥熟羅睺

羅兒與一錢

上堂僧問學人心猿未穩意馬奔馳願示方便師云

鐵鎚無孔進云與麼則把斷要津去也師云又與麼去也進云記得巖頭問德山是凡是聖意在那裏師云石從空裡立進云山便喝如何理會師云火向水中焚進云若有人問和尚是凡是聖聖師云九九八十一

乃舉僧問洞山寒暑到來如何回避○昨夜風敲門外竹也知賊不打貧家

山云何不向無寒暑處去○憐兒不覺醜

僧云如何是無寒暑所○寶所有近更進一步蹉過了也

山云寒時寒殺閻梨熱時熱殺閻梨○阿吡吡阿波波與人共其樂者人必憂其憂與

入同其安者人必拯其危

山僧不然若有人問如何

是無寒暑處只對他道靜處薩訶○可惜許且道那箇親那箇疎諸人各辨別○落花人獨立微雨燕雙飛

端午上堂僧問今朝正是端午節家家掛艾虎處處浴香湯和尚應節一句願聞提唱師云黃鶴樓前鸚鵡洲進云恁麼則山自青水自綠師云隨後婁搜漢進云記得文殊令善財採藥財云信手採來無不是藥此意如何師云瞎漢亂統作什麼進云善財拈一草草度與文殊文殊云此藥亦能殺人亦能活人又

作麼師云上是天下是地

乃云今朝端午節無妖亦無怪 ○是甚麼不是一重

大小大妖怪麼陰陽不到處一片好風光著什麼怪

力亂神子不假善財藥 ○無病大病尤難醫治扁倉亦

無所挾手 人人自慶快 ○那一病著什麼處誰知良

醫門病者愈甚此是今時難治重症 擊拂子下座

半夏上堂僧問一夏已過半崑崙嚼生鐵半夏已後

又如何履踐去師云晨朝粥齋時飯進云已前已後

且置正當今日直聞指示師云頭頂天脚履地進云

記得僧問智門蓮華未出水時如何門云蓮華意旨

作麼生師云水洒不著進云僧云出水後如何門云

荷葉還端的也無師云風吹不入進云出水與不出

水相去多少師云何不向老僧問將來進云移花兼

蝶至買石得雲鏡便禮拜師云吽

乃拈拄杖云六月不熟五穀不熟 ○富者多慳非慳

不能富也富者多愚非愚不能富也 今日為諸人熟

之熟之 ○貴者必不富富者未必貴 卓拄杖一下云

已熟已熟後如何 ○富貴他人合貧賤親戚離擲下

拄杖云天平地平 ○設非常之賞以待非常之功

上堂僧問火雲燒空普天炎熱向什麼處正得回避

師云迦葉門前風凜凜進云學人今日脫却鷄臭布衫去師云淨裸裸地一句作麼生道進云記得馬太師一日陞堂百丈出捲席意在那裡師云方木投圓孔進云大師便下座歸方丈又如何師云清風隨步生進云和尚今日上堂無人捲席豈不是無事而去師云養子不及父家門一世貧進云捲席與不捲席那箇是親那箇是疎師云苦哉佛陀耶

乃云大通智勝佛 ○空手把鋤頭赤行騎水牛人從橋上過橋流水不流

十劫坐道場 ○天上天下唯我獨尊新秋簾幕千家雨落日樓臺一笛風

佛法不現

前 ○雨前初見花間葉雨後兼無葉底華 不得成佛

道 ○蛺蝶飛來過牆去却疑春色在隣家 既是坐道

場因甚佛法不現前 ○九九元來八十一焦尾大蟲

元是虎 擊拂子云千里萬里一條鐵 ○女無美惡入

宮見妬士無賢愚入朝見疾

上堂一葉落天下秋 ○龍袖拂開全體現 是處無不

風流 ○士為知己者死女為愛己者容 若記得箇時

節終不將語默酬 ○青蠟不能穢垂棘那論不能惑

孔墨 且道是阿誰分上事 ○千年滯貨自何處舊市

上喚大眾云還覺頂門獨立麼 ○休擔水賣河頭嘴

異味者必得異病作奇態者必得奇窮

解夏小參僧問學人一夏已來波波挈挈過了剋期
取證事請師為證明師云嫩涼秋意入簾櫳進云恁
麼則可謂光陰不虛度師云直饒你實度也何是進
云記得雲門因僧問初秋夏末前程忽有人問如何
祇對門云大衆退後意旨作麼生師云崑崙嚼生鐵
進云僧云過在什麼處門云還我九十日飯錢來又
作麼生師云平出進云前程問過事即且置即今和
尚如何勘過師云不消一拶進云柳標橫擔不顧人
直入千峰萬峰去便禮拜師云脚下泥濘

乃云秋初夏末季熱未散自恣賞勞箇箇無欠

出難辨趙王好大眉人間皆半額齊王好細腰後宮

多餓死隨時應節無不漏逗

檢元來此者漢明明百草頭明明一老僧就理就事

無不現前

子百億毛頭示現軒知會則途中受用如龍得水

以者箇發揮佛祖不傳妙以者箇契證衲僧衣下功

不會則世諦流布似羝羊觸藩

襪踏地恐痛疲馬追陽焰癡猿捉水月

步步清風起

頭頭顯露物物全真佛手遮不得人心似等閒○眉

毛觸碎須彌鼻孔飲乾大海骨格端正甚有力擬著

心向過新羅路頭踏著不曾瞋萬里神光頂後相○

圓同大虛無欠無餘破艸鞋拋向湖邊著雖然如是

只如雲門道還我九十日飯錢來是阿誰分上事○

由基矯矢猿號蒲且虛絃而鳥落擊拂子云不因樵

子徑爭到葛洪家○相隨來也曾連飛一矢而蹶千

金虞卿以顧盼而捐相印

復舉翠巖夏末示徒公案○鵲欲搏者潛蟻欲伸者

屈師拈云一畝之地三蛇九鼠○小慈妨大慈父不

巖子不孝

次日上堂僧問衲僧家四月十五結他不得七月十

五解他不得畢竟向什麼處安身立命師云須彌南

畔閻浮樹進云與麼則西風一陣來落葉兩三片師

云矮子看戲進云昔有老宿一夏不為師僧說話有

僧嘆云我只麼空過一夏不敢望和尚說佛法得聞

正因二字也得意旨如何師云拋却黃金棒碌甌進

云老宿聞云閻梨莫警速若論正因一字也無道了

扣齒云我無端恁麼道又作麼生師云三千八百進

云隣壁又有老宿聞云好一金羹被兩顆鼠糞汗却

意在邢裡師云同病相怜進云和尚一夏已來說什麼法為人師云山青水綠進云攪長河為酥酪變大地作黃金便禮拜師云也何妨

乃舉趙州因僧辭○朝秦暮楚倚門傍戶似盲驢任

足行○州云有佛處不得住○碧梧栖老鳳凰枝無佛

處急走過○黃稻啄餘鸚鵡粒三千里外逢人莫錯

舉○射土含沙待影過僧云與麼則不去也○恰如

矮子見戲隨後婁藪也州云摘楊花摘楊花○天不

為人之惡寒而輟其冬地不為人之惡險而輟其廣

師云趙州若無後語須是遭人點檢○智人之明鑑

佛法之至論明者見危於無形智者視禍於未萌何

故風從八月涼月自七月明○相送當門有脩竹為

君葉葉起清風

八月且上堂拈拄杖云月月初一無雨為吉今月初

一有雨為吉○我道一以貫之者裡無吉凶榮辱且

道吉在甚處○休向石灰羅裡眨眼唯有一乘法無

二亦無三卓拄杖一下云吉吉吾道最吉○認取却

不可金屑眼中翳衣珠法上塵靠拄杖下座

上堂西風一陳來落葉兩三片○白玉琢成西子骨

黃金鑄就伍員心錮銘著生鐵○石樹抽枝鐵樹開

山路 ○千里萬里三十年後 師云雲門官不容針 ○

把定要津不通九聖佛佛要機祖祖機要 官人私通

車馬 ○雖是死蛇解弄又活路逢死蛇莫打殺無底

籃子盛將來 點檢將來兩俱失利 ○三箇亦在將謂

胡鬚赤更有赤鬚胡 何也自從賢聖法來未嘗殺生

○玉貌風沙勝畫圖琵琶難寫君恩疎 卓拄杖下座

開爐上堂無賓主話 ○採得百花成蜜後不知辛苦

為誰甜 十八高人一回舉來一回是新 ○紅爐煨出

鐵烏龜 及乎問其意旨大半便道不知最親 ○面赤

不如語直注焉而不滿酌焉而不竭 阿呵呵只要爐

下煖似春 ○兔角龜毛過別山

上堂南山松北嶺雪夜雨晝晴 ○大冷精金無變色

百尺竿頭進一步十方刹土現全身 太平得節 ○是

法平等無有高下王上寶殿野老謳歌 達磨來東土

二祖行西天 ○是法住法位世間相常住南斗七北

斗八 行脚禪和子莫失却目前 ○目前是什麼縱有

一法過涅槃我說如夢如化 喝一喝

上堂一切諸佛及諸佛阿耨多羅三藐三菩提法 ○

流水寒山路渡雲曉寺鐘湘潭雲盡暮山出巴蜀雪

消春水來 皆從此經出 ○此經難持若誓持者我即

歡喜諸佛亦然

忽拈拄杖卓一下云勸君盡此一盃

酒西出陽關無故人

時如何苦飲者作麼生死

○鳩酒一盃當面傾古澗寒泉

冬至小參僧問葭管飛灰繡紋添線不涉陰陽造化願聞法要師云八角磨盤空裏走進云恁麼則岸柳未開眼庭梅先發花師云好與麼去進云記得僧問百丈如何是奇特事丈云獨坐太雄峰遠端的也無師云把定要津不通凡聖進云僧禮拜又作麼生師云不拶破頂上進云丈便打如何理會師云依令而行進云古人則且置即今問和尚如何是奇特事如

何祇對師云三十年後面熱汗出進云不入虎穴爭

得虎子便禮拜師云為我將得來看

乃云六陰謝盡一氣方生○彌騰識盡喜何立喜識

盡時消息盡群陰剝盡一陽生鐵樹開花石笋抽條

○石從空裡立火向水中焚石女舞成長壽曲木人

唱起太平歌衲僧家若向者裡轉身來自然枯枯燥

燥○猶是小果聲聞土牛耕石田終無得本時相似

底涅槃得失是非一時放却也是省錢易飽底事○

得尔為足死水何曾振古風棺木裏睜眼古來淨悄

悄地爭之不足○卧龍不鑑死水黃葉遮門拄杖子

不打此死漢葦花擁腰，暗驢兒有甚境界。何須運步

念阿伽門。○我此洗鉢水如天耳露味，施與鬼神衆

悉令得飽滿。而今多是知時，不知節也。猶不妨東西

南北鳥飛兔走。○將謂侯白更有侯黑，東山下左邊

底直饒向山僧背後問訊也。山僧不敢可橫點頭。○

西夫四七東土，二三只傳此些子，同死同生，為君為

何故卓拄杖云：國清才子貴，家富小兒嬌。○誰道兩

朝國師，實是雲居羅漢。

復舉僧問趙州：如何是趙州。○南泉嫡子字從諗，州

云：東門南門西門北門。○疑殺天下人，相罵饒你接。

鷓鴣叫煎茶，與茶元不識。僧云：不問這箇州，云你問趙州。○

趙州老漢不無之。○一掃四海，今其誰在麼。上下四

維無等匹。其奈何。八十行脚事，猶未全用在。○子春

知姑蘓之有麀鹿，輔東識智伯之為趙擒。若得全用

去兒孫滿堂，至今繁興。○錯果然點。

次日上堂，僧問：霜飛木堊，風戒林丘。普天普地，寒威

凜然，更向什麼處得回避去。師云：陽氣發時，無硬地

進云：璿璣未動，全機顯露。朕兆纔分，覲體現成。不涉

時節，不借言薦親切。一句願聞，舉揚師云：家家觀世

音進云慈明揭牌皓老不洗布視點檢將來早是劍
去久矣寶山今日莫別有條章麼師云一冬二冬又
手當曾

乃云瑞雪滿地祥雲翻天○陰陽不到處一片好風

光好雪片片不落別處龍寶山頂和氣霸然○主人

心安樂脩竹有和氣溪聲廣長古山色清淨身好箇

時節為君報知一氣不言含有象萬靈何處謝無私

○湘之南潭之北中有黃金充一國無影樹下合同

船瑠璃殿上無知識

謝進退兩班上堂竿頭進一步大千沙界現全身○

未進一步以前全身還何處安著殊不知世尊隻眼

貫通三世退步就已萬中一箇而不失○更有二人

有不橫點頭失蓋是與麼人作與麼行履者也○若

是本色衲僧不喫者般茶飯大眾要見此人麼○大

眾全不要見此人宇宙無雙日乾坤只一人雲在嶺

頭閑不徹水流澗底大忙生○惡虎不食子

臘八上堂僧問釋迦老子六年冷坐逗到臘八夜始

方開悟去未審悟得箇何事師云鼻孔掛上唇進云

未見明星時已雪山雪白一見明星後又雪山雪白

這裡端的事和尚如何甄別師云鐵丸無縫罅進云

只如有一人發真歸源大地衆生向何處去師云向
你眼睫上去進云恁麼則可謂劫外一壺春更好優
曇花綻普天香便禮拜師云道即道得

乃云盡謂世尊臘月八夜成道○大道寥寥無敗處

黃頭老漢者何成寒雲籠雪夕陽重山月照梅夜色

清是則是敢問諸人如何是成底道○休逼生靈作

爾似石含玉不知玉之無瑕如地擎山不知山之孤

峻若是識得報恩有分○若其識得無報底恩只許

老胡知不許老胡會若也識不得擊拂子云初中後

三大劫○荊棘參天蒺藜滿地伯牙絕絃於子期仲

尼覆醯於子路痛知音之難遇傷門人之莫逮

除夜小參僧問舊歲今宵去向甚處去師云頭上

堆塵進云新年明日來從甚處來師云脚下三尺土

進云還有不涉新舊底也無師云有進云如何是不

涉新舊底師云大底鼻孔向下垂進云記得感首座

問法昌昔日北禪分歲烹露地白牛和尚今夜分歲

有何施設昌云臘雪連天白春風逼戶寒意肯作麼

生師云兩口無一舌進云感云大衆如何喫昌云莫

嫌冷淡無滋味一飽能消萬劫飢此意如何師云鬼

爭漆桶進云感云是何人置辨昌云無慚愧漢來處

也。不知又作麼生師云彼此出家兒進云古人即且
置和尚今夜分歲有何施設師云且待有童行報去
進云大眾如何喫師云不可從鼻而入進云是何人
置辨師云衣鉢閣中常相逢進云和尚與麼施設與
古人是同是別師云許你疑三十年進云鶴飛千尺
雪龍起一潭水便禮拜師云也何妨

乃云今宵臘月三十夜家家爆竹賞結尾○古皇堂
堂龍袖拂開全體現帝網重重丰伴無盡或操歌吹

之音或促鐘鼓之響祝來日新年之吉壽萬歲松栢
之操○十洲三島鶴乾坤四海五湖龍世界龍寶山

頂人未必不點頭只是終不隨悄然機○越王勾踐

破吳歸義士還家盡錦衣宮女如花滿春殿只今唯
有鵬鴟飛豈將等閑風味以供養合山龍象○釣鰲

時下一圈學直釣釣驪龍曲釣釣蝦蟆坵坵雖然如

是與眾分歲各各須飽足○雜雜排山果踈踈圍酒

樽談笑座中竊置鴆毒擊拂子云趙州喫茶雲門胡

餅○切忌崑崙吞棗貪多者嚼不細

復舉僧問古德萬頃荒田是誰為主○瞽婆窺五彩

盲兒問乳色德云看看臘月盡○神臂弓由基箭下

發透過千重甲師云木象要見此僧當頭霜夜月○

粥弱後坐

要知古德任運落前溪○以字不成八字

非雖然如是靜處娑婆訶○君子可八

正且上堂僧問瑞州生嘉蓮林花結早春好箇時節
願聞舉揚師云箇箇道體起居萬福進云恁麼則元
正啓祚萬物咸新師云下句道著進云正當今日大
年朝如何是新年頭佛法師云風暖鳥聲碎日高花
影重進云僧問雲門如何是清淨法身門云花藥欄
意旨作麼生師云刺破眼睛進云僧云便恁麼去時
如何門云金毛獅子又作麼生師云兩重公案進云
卽今問和尚如何是清淨法身擊師云千峰雪色寒

乃云今日大年朝山僧渾解道大眾箇箇道體起居
萬福○入息不居陰界出息不涉萬緣上無片尾蓋

頭下無寸土立足且道是佛法是世法○上下四維

無等匹厲利劍者必以柔砥擊鐘磬者必以濡木卓

拄杖云東西南北吾道大亨○明月之光可以遠望
而不可以細書淡霧之朝可以細書而不可以遠望

元宵上堂僧問今宵處處揭燈萬民共樂和尚爲人
剔起心燈來看師云天晴日頭出進云恁麼則可謂
光明寂照徧河沙師云不妨道著進云僧問香林如
何是室內一盞燈林云三人證龜作鼈意在那裏師

云罕遇便宜進云與麼則昔日香林今日和尚便禮拜師云好去好用

乃云燈燈相續燈燈無已○雲頭點地黑如漆拗折山形拄杖子從來大地黑漫漫且道此燈從何處來

○平原秋樹色沙麓暮鐘聲卓拄杖一下云我見燈

明佛本光瑞如此○半陂飛雨半陂霽漁笛翻秋楚

調清

上堂僧問春山疊亂青春水漾虛碧好箇時節願聞法要師云莫向雪竇背後問訊進云恁麼則日自暖風自和師云休向老僧背後問訊進云趙州訪一菴

主云有麼有麼主豎起拳頭州云水淺不是泊船處

意旨作麼生師云蠅見血進云州又訪一菴主云有

麼有麼主豎起拳頭州便禮拜讚嘆如何委悉師云

鶻提鳩進云問答已一般為甚肯一人不肯一人師

云看取不落兩頭進云若有人問有麼有麼未審和

尚如何祇對師云且去喫茶

乃舉三祖大師道一卽一切一切卽一○崑崙著靴

空中走十箇指頭八箇了忽拈拄杖云者箇是寶山

拄杖子阿那箇是一○拗折了也不足拄馬屋卓拄

杖一下云只能如此何慮不終○羅睺星入命天下

衲僧吞吐不下

佛涅槃上堂僧問法身無為不隨諸數釋迦老子因甚示涅槃之相師云為涅槃不隨諸數進云古德道十方薄伽梵一路涅槃門且道如何是涅槃門師云日出東夜落西進云五通仙人問世尊云世尊有六通我有五通如何是那一通世尊召五通仙人意旨作麼生師云平生肝膽向人傾進云仙人便應諾世尊云那一通你問我如何理會師云依稀似曲纔堪聽又被風吹別調中進云後來雪竇著語云老胡元不知有那一通却因邪打正意在那裡師云無影樹

下合同船進云即今問和尚如何是那一通未審如何祇對師云三跳後

上堂舉雲門云我看諸人二三機中尚不能構得空

披衲衣何益○眼如銅鈴口似血盆劍為不平離寶

匣藥因療病出金瓶今日堂中大有人喪身失命師

云山僧不然我看諸人悉是大機大用人剛要作佛

何益○亦是無病大病收得安南又憂塞北幽州猶

自可尤苦是江南住住一不做二不休不風流處也

風流○兩箇老尊慈一箇如武侯布八陣一箇似子

房燒棧道點檢見來先甲一日易後甲一日難

上堂春山青春水綠春雲片片春鳥喃喃 ○至大而

無外謂之大小一至小而無內謂之小一只可自怡悅

不堪持贈君 敢問諸人吾宗門中是放開是捏聚 ○

陳雲橫海上拔劍攬龍門放開亦在我捏聚亦在我

兩頭共截斷一劍倚天寒 箇箇歸寮舍摸索看 ○三

級浪高魚化龍癡人猶辱夜塘水夜明簾外珠癡人

按劍立

四月且上堂驀豎起拂子云西天二十八祖東土六

祖盡在拂子頭上 ○拂子頭且置百草頭又作麼生

豈是分外事 說心說性論玄論妙 ○彌遮迦尊者一

場苦屈己所不欲勿施於人 山僧忍俊不禁見怪笑

一聲 ○梟鳴不鳴要非常也豺狼不噬要非仁也 箇

箇面熱汗出諸人還見麼 ○越主為人長頸鳥喙可

與共患難不可與共安樂 若也不見擊拂子一下云

滿地落花春已過綠陰空鎖舊莓苔 ○和尚雖有千

尺寒松且無抽條石筍

佛生日上堂指天指地隨尊貴 ○仁者見之謂之仁

尊貴貴之謂之尊 滿目青山笑點頭自從雲門行令

後不風流處也風流 ○嗜異味者必得異病作奇態

者必得奇窮南山木不操自直 諸人向者裡會得不

妨報恩有分其如未然靜處婆娑詞 ○果然不致騰
翅於太夫孫叔敖三去相而不悔於陵子仲辭三公
而為人灌園總是君子可人

結夏小參僧問看雲亭上月明明古巖松下風拂拂
現成公案絕遮欄不涉言詮願聞法要師云九九八
十一進云恁麼則山自青水自綠師云隨後婁搜漢
進云九旬禁足剋期取證則不問七尺單前三條椽
下學人一夏如何履踐師云眼眸重千斤進云古德
道參須實參悟須實悟如何是實參師云金香爐下
鐵崑崙進云實悟底又如何師云何必進云實參實

悟畢竟作麼生師云心不負人面無慙色

乃云言前句後舌根裡難藏身 ○懶向人前拔茄樹

不如歸鄉里作化主 向上向下薦拶挨葫蘆子 ○江

上思鱸客人間失馬翁半路抽身不是好心 背面終

不落好手首尾何處拔萬類 ○正令當行十方坐斷

因一事長一智 遠超象外迥脫天真 ○寥寥天地間

獨立有何極天地蓋覆不盡日月照臨不到 是處雲

山溢自開市大蟲誰不解見 ○石長無根樹山含不

動雲石火莫及電光莫通 見即見因甚文殊頭黑普

賢頭白 ○頻呼小玉元無事只要檀郎認得聲明頭

打著暗頭打不著

會得三月安居九旬禁足循規守

矩脚底不帶五色索

○消得恁麼消得恁麼家累千

金坐不乖堂

其如未然靜處娑婆訶

○謹謝國師指

示如何有下一箇從頭不橫點頭在

復舉臨濟示眾云一人在孤峰頂上無出身路公案

○霜夫月落夜將半誰共澄潭照影寒

師拈云古來

作者弄嶮落草等是難禁

○巡人犯夜普州人送賊

只是要須人人在背後點頭大眾還會麼

○又是為

慈悲故有落草之談獅子吼無畏說

鬻頭藍已定全

身何假周行誇七步

○四五百石麥二三千石稻好

個休養方著婆不得妙

次日上堂僧問如來聖制禁足護生衲僧朝游西天

暮歸東土學人此間禁足即是游歸即是師云南番

大舶主本此土商人進云已道禁足安居因甚文殊

三處度夏師云曲終人不見江上數峰青進云記得

雲門示眾云十五日已前不問你十五日已後道將

一句來意肯作麼生師云什麼處去進云自代云日

日是好日又作麼生師云倒退三千進云和尚若逢

韶陽垂示向他如何道師云法堂上寸草不生

乃云今朝是結制不敢謾却諸人只因現量以舉揚

正法眼藏

○若是正法眼藏伏乞和尚休舉揚行雲流水墜葉飛花為君舉揚久

驀拈拄杖卓一下云者

箇是龍寶拄杖子阿那箇是正法眼

○將謂有少

奇特却作者去就

若也不會雨過遠山綠靠拄杖下

座 ○曲終人不見江上數峯青

解夏小參三月安居九旬禁足

○二千年外舊貫索

穿却衲僧鼻孔來

山色夕陽時泉聲中夜後

○妙處

欲言言不及月移花影上欄干

圓覺伽藍平等性智

○諸佛眾生元是幻若求實相眼中埃無來無去無

起滅非有非無非暗明

竹有上下節松無古今青 ○

山河大地通上孤危萬象森羅徹下嶮峻

箇裡無取

證誰成熟慧身

○萬里一條鐵風吹不入水酒不著

正與麼時節衲僧活脫處

○人人具足箇箇圓成此

外有甚長處

要行便行要坐便坐

○又是非分外事

脚下甚泥濘

東西南北無有遮障

○跛躄盲龜入空

谷者裡三生六十劫

運奔執捉全超象外

○隨緣放

曠外道魔軍

諸人一夏結眉交肩今日何必苦口叮

囑 ○者裡如何叮囑去開口錯了動舌乖

雖然如此

擊拂子云勸君盡此一盃酒西出陽關無故人

○有

錢千里通無錢隔壁聾若是皮下有血底水亦不受

他一滴

復舉翠巖夏末示眾公案師拈云翠巖為眾

竭力不少

○利劍擲虛空大棒打老鼠

只得箇二三枚

把不住老凍膿

○三人行則必有我師三箇胡孫夜

簸錢

若有中郎鑑何同野舍薪

○忠臣不避重誅以

直諫則無遺策功流萬世

上堂真空不礙有真空不異色○將謂有多少奇特

是甚麼語話繫驢橛子

忽拈拄杖卓一下云且道是

有是不有是色是不色

○此去三十年切忌舉著若

是剗利衲僧和水喫乳○老和尚頭上大低下生未

後太孤峻生唯惜欠一半在

其或踟躇拄杖穿卻鼻

孔○果然勞而無功

又卓一下

奉謝太王上將入山下百味佳齋伸合山供養上堂

僧問日月輪邊氣象高魚龍穴下蟠根固師云好進

云上將忽入山下來奇齋供養太眾未審和尚說什

麼法得報此恩師云風行草偃進云恁麼則蘋葉風

涼桂花露香師云好也與麼去進云只如達麼未來

已前還有這箇消息也無師云銀山鐵壁進云來後

又如何師云鐵壁銀山進云來與未來且置如何是

這箇消息師云鐵壁鐵壁銀山銀山進云學人今日

小出太遇便禮拜師云撒手那邊去

乃橫拄杖云大士三十二應身

○可惜許兩頭三面

又恁麼去小賣弄

天大將軍最是真摧蕩諸障與慶

快提持百福救窮貧

○稽首觀世薩埵內秘正法明

有來由無巴鼻

大衆要會者箇大機大用麼

○我若

向畜生自得大智慧我若向餓鬼餓鬼自飽滿

卓拄

杖云看看巍巍堂堂煒煒煌煌四海九州威風凜凜

○紫金光聚照山河天上人間意氣多寶明空海湛

死生旋渡之波太寂定門融今古去來之相

材木採用歸謝普請并善源雲和尚

○車賞下必有

勇夫單醪投川以可使三軍告捷

上堂拈拄杖云萬

仞峰前千澗底者邊那邊擇良材

○今輸之雲梯武

候之木牛純化既敷則牽土宅心義風已暢則還方

金踵

斧頭用得諸人力集此大成相呼回正與麼時

作麼生

○汲溪洗足先須坐爐有茶煎與茶煨

卓拄

杖一下云行到水窮處坐看雲起時

○此語為慈悲

故有落草之談

上堂驀橫拄杖舉肇法師云近而不可見者物性耳

○若有所見是物非自佛性若見諸相非相即見如

來

卓拄杖云者箇是寶山拄杖子阿那箇是物性

○經曰如來目見佛性又云眼見佛性即是菩薩人作

麼生目見佛性，又卓拄杖云：「一槌兩當蓋覆將來。」
穿花蝶蝶滾滾，見點水蜻蜓款款飛。

宗持禪尼逆修，拈香當陽突出，迥脫根塵。○是什麼，

座上無和尚目前，無某甲薰天炙地舉體全真。○山

河石壁無能障恒沙世界在其中，乃佛乃祖由它出。

氣杓僧巴鼻從此方親。○點檢看來，不直半文錢，況

是宗持大姊借山僧手拈出。○鐵丸無縫罅，何處挾

等閑下見便見自然，下得永得感生生正果結世

世正因。○若下是便見終打失若下得永得非正因

何故從門佛者不是家珍。馥郁香風清徧界，靄然和

氣恰如春。○八角磨盤空裡走，金毛獅子變成狗。

除夜小參年窮歲盡黑漆桶裡盛墨汁。○天寒入寒

針頭削鐵鷲服割肉生蛇入竹筒，盲龜入空谷。交頭

結尾半夜烏雞飛上天。○窮則變變則通理盡詞窮

伎亦窮鳳離金網鶴脫籠。所以師僧家自從空劫已

前威音那畔下日日未嘗逐下日下時時未嘗隨下

時。○乾坤失色日月藏光陰陽不到處下片好風光

墻壁瓦礫露柱燈籠。○酥酪醍醐攪為一味，瓠盤飯

釧鎔成下金草木國土悉皆成佛。背後面前真珠燦

爛。○山河大地萬象森羅離離繁華草芥入畜下

放テ大一光明一一一壁立萬仞 雖然如是今夜與諸人分
歲其中為國一一句作麼生擊拂子云村裡盡好驅儺
來年定是熟年一○笙歌叢裏賀年朝錦繡筵中開壽
域一

復舉香林因僧問萬頃荒田是誰為主 ○欲得親切
莫將問來問問在答處答在問處 林云看看臆月盡
○今歲今宵去明年明日來來朝定是太年朝 師云

山僧不然若有人發此問便答佗道昨日相見人 ○
是凡是聖唯許者胡知不許者胡會 忽問是何人劈
口便擗 ○在前忽焉在後陷人坑子年年滿

正且上堂僧問年年是好年日日是好日正與麼時
請師祝 聖師云萬年松下有茯苓進云恁麼則萬
民樂業唱謳歌師云好音在耳人皆聞進云記得僧
問古德新年頭還有佛法也無意在那裡師云舌頭
無骨進云德云元正啓祚萬物咸新的當也無師云
藕絲孔裏騎大鵬進云只如古人祇對如何辨別去
師云風暖鳥聲碎進云一句了然超百億師云富嫌
千口少進云非但學人四衆咸霑恩便禮拜師云也
何妨
乃云今朝太年朝東廊下相賀西廊下相賀 ○禮非

放_レ大_レ光明_一一_レ壁立萬仞 雖然如是今夜與諸人分
歲其中為國一句作麼生擊拂子云村裡盡好驅儺
來年定是熟年 ○笙歌叢裏賀年朝錦繡筵中開壽
域

復舉香林因僧問萬頃荒田是誰為主 ○欲得親切
莫將問來問問在答處答在問處 林云看看鵬月盡

○今歲今宵去明年明日來來朝定是太年朝 師云

山僧不然若有人發此問便答佗道昨日相見人 ○

是凡是聖唯許老胡知不許老胡會 忽問是何人劈

口便搥 ○在前忽焉在後陷人坑子年年滿

正且上堂僧問年年是好年日日是好日正與麼時

請師祝 聖師云萬年松下有茯苓進云恁麼則萬

民樂業唱謳歌師云好音在耳人皆聞進云記得僧

問古德新年頭還有佛法也無意在那裡師云舌頭

無骨進云德云元正啓祚萬物咸新的當也無師云

藕絲孔裏騎大鵬進云只如古人祇對如何辨別去

師云風暖鳥聲碎進云一句了然超百億師云富嫌

千口少進云非但學人四衆咸霑恩便禮拜師云也

何妨

乃云今朝太年朝東廊下相賀西廊下相賀 ○禮非

玉帛不露樂非鐘鼓不傳萬國衣冠拜冕旒喚作佛

法底拂子與他點頭○譬如翻錦機背面共是花有

一人在孤峯頂上無出身之路喚作世法底拄杖與

陀點頭○兩鏡相對中心無影像有一人在十字街

頭又無向背且道諸人孰與阿那個點頭○雙劍倚

空飛若把西湖比西施淡粧濃抹兩相宜若於此會

得便解山僧適來道箇箇道體起居萬福○截肢出

羽嚼飯餵兒怪哉國師兒孫彌漫天下

二月且為出材木勸下大眾上堂梅腮柳面吐香競

榮春山春水湛綠疊藍○江國春風吹不起鷓鴣鳴

在淡花裏春色惱人眠不得衲子清與時哉時哉○

若是明眼衲僧不喫者般茶飯許你始隨芳草去又

須後逐落花回○寰中天子勅塞外將軍令法王法

令誰敢違犯忽回來時如何○解行纏洗足隨例喫

菜根箇箇萬福萬福○箇箇千勞萬倦路遙知馬力

歲久識人心侍者急手點將箇好茶來○看帝打令

慈父不能愛無益之子仁君不能畜無用之臣

佛生日上堂僧問青春已去朱夏初臨瞿曇今日降

生此是現成底請師別舉揚師云鐵丸無縫罅進云

二月十五不曾滅因甚鶴林中示雙趺師云天上星

地下木僧云四月八日不曾生為甚九龍吐水灌沐
金軀師云九九八十一僧云指天指地道天上天下
唯我獨尊擊師云芍藥花開菩薩面僧云雲門云我
當時若見一棒打殺與狗子喫却意旨作麼生師云
因邪打正僧云雪竇云我若見便與掀倒禪牀意在
那裏師云把手相共上高峰僧云二大老用處是同
是別師云南山起雲北山下雨僧云上來下一蒙指
示向上宗乘事又如何師便喝
乃拈拄杖卓一下云淨法界身 ○ 賴馬繫枯椿黑牛
臥死水撐天拄地本無出沒種瓜得瓜 ○ 陷入坑子

年年滿湛湛黑暗滾坑實可怖畏便恁麼領去報恩

有分 ○ 若恁麼會佛法大衰減若復不恁麼會真風

乍墜地 其如未然二龍溫凉水 ○ 誰知遠煙浪別有

好思量鴛鴦之類不騁千里之路燕雀之疇不奮六
翮之用

結夏小參僧問綠暗紅稀孟夏漸熱應節一句願聞
提唱師云薰風自南來殿閣生微涼僧云禁足安居
誰似我掛角羴羊不露蹤師云有路可上高人更行
僧云朝到西天暮歸東土是什麼人分上事師云是
安居底人分上事僧云恁麼則一聲黃鳥青山外占

斷風光作主人師云那裡得與麼地僧云松源有三
 句許咨參也無師云何妨問將來僧云大力量人因
 甚擡脚不起師云草鞋和露重僧云開口因甚不在
 舌頭上師云不見牙齒一具骨僧云明眼衲僧因甚
 脚跟下紅絲線不斷師云脚頭也脚底僧云學人今
 夜小出大遇便禮拜師云向人作麼生舉
 乃云西天嚴規東土嚴令 ○添一旬也不得減一旬
 也不得齊要知有箇創利漢木坐當軒底事 ○九聖
 同居龍蛇混雜誰家竈裏火無烟
 克得此事三月安居
 居九旬禁足天覆不得地載不能 ○此是衲僧家尋

常茶飯獅子不食鵬殘快鷹那打卧兔 日用四威儀

中全坐聲色堆上專做聲色堆主宰 ○天上天下唯

我獨尊南瞻部州展鉢西瞿耶尼喫飯 箇中有領覽

都隨魔界 ○入佛界易入魔界難 所以道以大圓覺

為我伽藍 ○徧現該沙界收攝歸微塵 身心安居平

等性智 ○大象不遊兔徑玉兔豈栖蟾影 瞥喜瞥瞋

無理會新羅夜半日頭明 ○佛殿裏燒香山門頭合

掌達磨不來東土二祖不行西天 雖然如是諸人切

忌刺腦入膠盆 ○手把白玉鞭驪珠盡擊碎 何故良

久云綠樹陰濃夏日長樓臺倒影入池塘 ○俯據潛

龍之淵仰蔭柳鳳之林

復舉德山小參不答話有問話者三十棒公案○見
直木不可以為輪曲者不可以為桶師拈云盡謂開
口即錯動舌即乖殊不知九曲黃河混底流○猶絆
良驥之足而責以千里之任搯援猴之勢而望其巧
捷之能

次日上堂僧問西天舊令東土共遵諸方依樣畫葫
蘆龍寶門下標格作麼生師云莫孤負山僧進云綠
水青山元來安居露柱燈籠終日禁足衲僧家因甚
別立規矩師云嚴師出好弟子進云恁麼則行到水

窮處坐看雲起時師云更須子細進云記得乾峯示
眾云法身有二種病二種光須是一一透得始解穩
坐地意在那裡師云緬想會裡有人進云雲門便出
眾云菴內人為什麼不見菴外事意旨作麼生師云
果然進云峰呵呵大笑又如何師云藏身無路進云
門云猶是學人疑處在如何委悉師云有爭臣則君
不落不義進云古人底且置作麼生是正當今日法
要師云水到渠成
乃卓拄杖云二千年前有此制○把定則黃絹幼婦
放行則外孫壘白
四聖六凡都不出者箇○為我伽

蓋盡十方中容造化，一禪林山川草木或禽獸都為
參徒入面牆。二千年後攀其例。○前事不忘為後代

元龜也。五湖衲子木家在者裡。○靈山河沙聖眾黃

梅七百高僧前二三後三三。又卓拄杖云出與不出

在與不在且喜靜處娑婆訶。○金針曾不露鋒銜惹
得無絲玉線長。

五月旦上堂僧問松竹陰陰夏日長好箇時節請師

提唱師云三十年後莫錯商量進云恁麼則黃鶴樓

中吹玉管江城五月落梅花師云入無遠慮必有近

憂進云只變大地作黃金攪長河為酥酪則不無和

尚且道如何是向上宗乘事師云南斗七北斗八進

云向下又作麼生師云金香爐下鐵崑崙進云畢竟

如何領略去師云阿你全舌去亦可。

乃舉鼓山問新羅僧上山來作什麼。○王者不如眾

庶故能明其德。對云禮拜和尚。○下句令頭語萬劫

繫驢橛。鼓山云盡世不標向什麼處禮拜。○不勞再

勸。一曲兩曲無人會雨過夜塘秋水淺。對云向不標

處禮。○蝦跳不出斗弄泥團漢有何限。鼓山云念你

是新羅人放你二十棒。○石火光中分網素閃電機

裏辨端倪。師云者僧若於盡世不標向什麼處禮作

摸著左右之勢拜得鼓山 ○慣戰作家兩虎鬪死

一爪乘其漱一金成萬器皆由匠者功 鼓山若於向不

標處禮亞身合掌接得者僧二俱莽鹵 ○握土成金

易變金作土却難田有遺穗寡婦之利也若論戰箇

箇立_二在轉處_一 你師僧家有什麼救處 ○却將錦樣鶯

花地變作_二不暉水墨圖_一 以拂子擊禪牀一下便下座

端午上堂僧問今朝正是端午節昔日善財採藥來

憑據如何領會師云放過一著進云將逢佳辰底莫

不盡本地是藥麼師云何必進云恁麼則薰風自南

來殿閣生微涼師云可謂諸侯避道進云記得文殊

當年出女子定不得意旨作麼生師云雲在嶺頭閑

不徹進云下方周明為甚却出得師云水流澗底太

忙生進云文殊為無神力周明為有神力師云釣魚

船上謝三郎進云不行尊貴路爭踏_二上頭關_一便禮拜

師喝云且看脚下

乃云強不用切菖蒲剛不要掛靈符 ○善閑者無門

鍵而不可開也善結者無繩約而不可解也 衲僧家

別在長處 ○家醜向外揚臨河而羨魚不如歸家結

網 消殞盡天下妖怪去 ○林中不賣薪湖上不賣魚

以湯止沸沸乃不止誠知其本去火而已 卓拄杖云

頭長三尺知是誰相對無語獨立○家無白澤圖

有如此妖怪者大小妖怪還著什麼處欲滅迹而走雪中極溺者而欲無濡

上堂僧問綠樹布陰濃蓄薇吐晚香正好看雲亭下

避暑處賞佳景句請師提唱師云閣浮樹下笑呵呵

進云如無寒暑田地如何踏著師云墮坑落澗進云

急麼則處處綠楊堪繫馬師云蹉過也不少進云記

得古人道大用現前不存軌則如何是大用現前底

時節師云勘破了也進云與麼則可謂隨處作主立

處皆真師云雪上加霜進云學人今日親聞法要如

何保任師云疎田不貯水

乃舉趙州因僧問如何是趙州○千聞不如一見

畫西施之面美而不可說規孟賁之目大而不可畏

君形者亡焉州云東門南門西門北門○是什麼中

雲蒸柱礎潤茯苓掘虎絲死僧云不問這箇○毋貽

於盲者鏡毋予於瞽者履毋賞於越人章甫夜明簾

外珠癡人按劍立州云你問趙州○不勞再勘樹荷

於山上畜火於井中操鉤上山揭斧入淵師云山僧

不然○只願君王相顧意臨臺幾度畫城眉若有問

如何是趙州只向他道石橋度來也未○朱錢遭罪

楚王亡其猿而林木為之殘宋君亡其玉池魚為之殫

道不問這箇便道待下山去腋裡汗出○牛蹄

之涔無尺鯉塊阜之山無木材且道與古人道底那

箇親那箇疎請各辨別看○一者一不老案仲不能

為逢蒙造父不能為伯樂

半夏上堂僧問山連嵩嶺地近洛川一機一境無不

勝槩不涉唇吻如何通津師云心不負人面無慙色

進云九旬已過半諸人自知時當頭與麼時節學人

如何領略師云且過者邊進云恁麼則杲日麗天清

風匝地師云放下著進云僧問智門蓮花未出水時

如何門云蓮花此意如何師云風吹不入進云僧云

出水後如何門云荷葉又作麼生師云水洒不著進

云蓮花出水與未出水相去多少師云秦甸幾人踏

著

乃云半夏已前我為諸人隱隱而彌露○黨理不黨

情世治則愚者不得獨亂世亂則智者不能獨治半

夏已後我為諸人顯顯而不露○兩頭毒蛇見者死

蜂蠆螫指而神不能憺蚊虻嗜膚而知不能平正當

今日半夏不隱不顯我為諸人說破○湖光迷翡翠

草色醉蜻蜓魯酒薄而邯鄲圍未羹疎而鄭軍誇卓

拄杖一下云六月已熟五穀好熟○十年歸不得忘却來時路天下物莫凶於雞毒然而良醫橐而藏之

寺莊等賜公提上堂拈拄杖云自家田地觸處全彰○山河大地全露法王身濕之至也莫見其形而

炭已重矣風之至也莫見其象而木先動矣公驗一

回得入手百劫千生不曾荒○如人飲水冷暖自知乞火不若取燧寄汲不若鑿井正與麼時作麼生卓

拄杖云皇風與祖風鎮扇帝道與佛道遐昌○一願皇帝萬歲二願群臣千秋皇風永扇帝道遐昌佛日

增輝法輪常轉又卓一下便下座

重九上堂茱萸帶露金菊發花○金針曾不露鋒銜惹得無絲玉線長現成公案不隔一絲毫大用現前

不存軌則○遍界乾坤皆失色須彌倒卓半空中諸禪德若識箇中意南山東籬一家家○琉璃塔上布

赤砂碼碯盤中撒真珠孔門弟子無人識碧眼胡僧笑點頭

二月且上堂拈拄杖云雪霽千山綠正濃梅腮柳面

轉縱容○美如西施離金闕嬌似楊妃倚玉樓為君

擬報箇中意○九尾野狐多變態金毛獅子解轉身

幽鳥喃喃入亂峯○寒山路無人到若能行稱十號

子細看何相好，卓拄杖一下

佛涅槃上堂僧問滿街揚柳綠絲煙畫出長安二月
天應節，下句請師提唱師云寥寥天地間獨立望何
極僧云瞿曇今日入般涅槃未審向什麼處去師云
向人人鼻孔裡去還覺麼僧云恁麼則哭底便是笑
底便是師云將謂你是不領話僧云若謂我滅度非
我弟子若謂我不滅度亦非我弟子意旨作麼生師
云黃河點魚僧云不因今日節餘日實難逢便禮拜
師云向後向人莫錯舉
乃橫按拄杖云雙趺出擲事難親○不恨會人稀祇

為知音寡細雨洒花千點淚淡煙籠竹一堆愁有也

累人無累人○牛飲水成乳蛇飲水成毒若得箇中

意縱橫處處通○瞻部州中休不得年年二月費萍蘋

○參天荆棘橫官路那箇行人不掛衣咸池承雲九

韶六英人之所樂鳥獸聞之驚唱一喝擲下拄杖下座

龍翔正眼二塔主至上堂寶山有一句子○五指更

彈不若捲手一捏鸞逢春暖歌聲滑人遇時平笑臉

開只許人聽不許人舉○醉來黑漆屏風上草寫盧

仝月蝕詩寧百刺以針無一刺以刀寧一引車無久

持輕已是許人聽因甚不許人舉○寸步却成千里

隔紛紛多在半途，中鬻棺者，終民之疾病也。畜粟者，欲歲之荒飢也。擊拂子云：辨龍蛇眼，俱正擒虎兇機也。全○漆不厭黑，粉不厭白，丙子受制，則舉賢良賞有功，立封侯，出資財。

上堂卓拄杖云：百億須彌百億，日月恒沙諸佛恒沙，國土盡在拄杖頭上。○休家醜，向外揚，三千里外謹

莫舉自尿，不覺真。諸人見得，不妨一生參學事，了畢

○諸人若見得到死，鈍置殺自己，蠶食而不飲，蟬飲而不食，蜂蟻不飲不食。

其如未然，開眼瞌睡。○落花只為隨流去，便有尋芳拾翠人。又卓一下下座。

四月且上堂拈拄杖云：此事無去來，因甚昨日春去

今朝夏來。○將謂黃連甜，似蜜誰知蜜苦，似黃連言

其者，其心必苦。迄乎道物性住一世。○吾道一以貫

之，天地一指，萬物一馬。肇公也是盲龜入空谷。○甚

減人斤兩，又是。一千年桃核。衲僧家牙如劍樹口似

血盆。○翻鐵面皮，爺亦不知狼毒肝腸生鐵面目到

者裡作麼生道著。○萬古業風吹不盡，又隨月色過

羅浮。若無人道著，以拄杖畫一畫云喜。○越船蜀艇

不能無水而浮，晝生者類父，夜生者似母。

結夏上堂僧問：今日是結制結底，是何物？師云：猛虎

當路坐僧云恁麼則官池水澗看雲亭高師云吾常於此切僧云只將老師兩句子布施七十負禪佛師云只有阿你吞吐不下

乃云是個水牯牛 ○牯牛何處得來你又講家兒叱

叱叱者畜生 山邊水邊賴自無事 ○莫將有事為無

事徃徃事從無事生打云叱叱叱 今日無端逗入欄

裡鼻貫索頭全在別人手裡 ○牛來山中草足水足

牛出山中東觸西觸 要行也不能要卧也不能才擬

恣情痛加鞭策道叱者畜生 ○朝打三千暮打八百

蹄健吟身瘦力強貫索危 嗚啞嗚只可自知擊拂子

一下 ○教你牧牛法捉則逸放則隨叱

上堂卓拄杖云人情若似者箇孔丘打殺顏回 ○有

大畧者不可責以捷巧有小智者不可任以大義道

情若似者箇達磨失却少林 ○晉楚失其富貴育失

其勇雖然與麼更須子細 便下座

端午上堂僧問文殊小男為誰要藥師云古佛廟前

自顛蹶進云善財童子採來何草師云無根滿地無

葉普天進云父子得便處千古遭檢點師云你有老

成之勢

乃云端午天中節不用咒土書壁 ○咒土書壁可愛

可敬車下是不可指東畫西 只以一神咒消殞一切

妖怪除却佛病祖病 ○者一怪尤難遣除掘土激理

賈多端則貧工多技則窮 且道是那箇神咒 ○美食

不中飽人喫魯人身善制冠妻善織履往徒於越而

大困窮其所修而遊不用之鄉 便振威一喝

上堂舉三祖云一即一切一切即一 ○如大火聚如

熱鐵樞如獅子乳如象王鼻如鴛鳥尾似惡虎牙 驀

拈拄杖云三祖大師在非非想夫擲下一箇木楔子

換却諸人眼睛 ○荷盡已無繁雨蓋菊殘猶有傲霜

枝戊子受制則養老繆寡行粹齋施恩澤 忽雨下來

旋轉舞蹈 ○不識廬山真面目只緣身在此山中恰

如獨樂 ○毘婆尸佛早留心直到而今未得妙 而見

諸人不見不知 ○莫嫌襟上斑斑色是妾燈前滴淚

縫 高聲唱云龜毛長三尺兔角長七尺 ○夢中射落

燕頰窠開眼看來無縫罅卓拄杖一下云參

上堂橫按拄杖舉芭蕉示眾云你有拄杖子我與你

拄杖子 ○鶯逢春暖歌聲滑人遇時平笑臉開母在

一子寒 你無拄杖子我奪你拄杖子 ○桃花滿地春

將半杜宇催歸月過三母去三子寒 拈云芭蕉與奪

不無只是擒縱未在 ○白鷺下田千點雪黃鸝上樹

一枝花積羽沈船群輕折轉山僧尋常向皴皴鱗鱗

地要出人猶不救得一半在○伏乞和尚休出入

漢誰在千尺井中豈况吐出山形邊事太遠之遠矣

○脩脛者使之踣鏤強脊者使之負土眇者使之集

樞者使之塗卓拄杖一下

解夏上堂僧問三通鼓罷四眾臨筵好箇時節請聞

舉揚師云崑崙嚼生鐵進云九旬期已滿衲僧脚頭

闊正當恁麼時如何是自恣一句師云柳栗橫擔不

顧人直入千峰萬峰去進云記得洞山云秋初夏末

直須向萬里無寸草處去意旨如何師云步步清風

起進云石霜云出門便是草又作麼生師云草鞋和

露重進云和尚恁麼答話為是與古人出氣為復與

古人雪屈師云平蕪盡處是青山進云與麼則一言

無別路萬世盡同歸師云傍觀有分進云只將老師

四五轉話甘當九夏賞勞之功便禮拜師云可謂南

北東西皆可

乃舉翠巖夏末示徒一夏已來為兄弟東說西話○

東家母死其子哭之不哀西家子見之返謂其母曰

社何愛速死吾必悲哭社夫欲其母之死者雖死亦

不能悲哭矣看翠巖眉毛在麼○謂學不暇者雖暇

亦不能學矣

保福云作賊人心虛

○失疾不過二里

也步之遲百舍不休千里可致

長慶云生也 ○晝隨

灰月運關鯨魚死而彗星出

雲門云關 ○既往不咎

師云三大老俱出隻手扶樹翠巖家風

○狂者東走

逐者亦東走走同而所以走則異弱者入水拯者亦

入水入水同而所以入水者則異

龍寶今夏不為兄

弟說話

○樹密猿聲響波澄鴈影淡

看眉毛如箭筈

長數寸只是欠人觀破

○任他滄海變終不與君通

把定則黃縮幼婦放行則外孫齋白

雖然如是落霞

與孤鶩齊飛秋水共長天一色

○擊碎驪龍領下珠

敲出鳳凰五色髓猶削足而適履殺頭而使冠

八月且上堂拈拄杖云向上一路千聖不傳

○向上

一路頭頭顯露山生金反自刻木生蠹反自食人生

事反自賊

八月初一龍寶山前

○猛虎不顧扒上肉

洪爐豈鑄囊中錐錐執鼠而不可脫庭者為搏雞也

卓拄杖下座

中秋上堂舉長沙與仰山翫月次仰山指月云人人

盡有這箇只是用不得

○文殊提起殺人刀淨名抽

出活入劍以碎石之能連鐵也而求其引瓦則難

長

沙云恰倩你用那

○一文一武偶相逢說盡英雄各

不同山云你試用看。○物不震不發士不激不勇長

沙一踏踏倒。○可惜許踏入他陷阱賊是小人智過

君子仰山起來云你大似個大蟲。○亂不極則治不

形殺人須見血。師云仰山起來道果然用不得見盡

長沙擡脚不起。○智人之明鑑佛法之至論治國者

若耨田去害苗者而已。雖然恁麼月到中秋滿風從

八月涼。○夫能殺者鬼神莫知。蠱啄剖梁柱。蠶走

牛羊。擊拂子一下。

九月旦因。太上法皇惠種種剪采上堂舉須菩提

巖中晏坐。○天堂地獄元是幻生。死涅槃猶如昨夢

上無片瓦蓋頭下無寸土立足。帝釋雨花話。○好雪

片片不落別處。不風流處也。風流。師云天帝釋雨花

動地與。太上法皇惠此花是同是別。○欲知兩段

元是一空珊瑚枕上兩行淚。半是思君半恨君。若謂

別眼裡無筋。○別別雪埋庭。柏冰鎖偃溪。若謂同其

意作麼生。○同法出。奸生事久多變。良久云住住秋

色登平楓葉。序西風轉冷。草花天。○錯果然點。擊拂

子一下。

重陽上堂採菊東籬下。悠然見南山。○大陰治秋則

欲修備。靖節阿鞞。處作衲僧。一重關。○不許

夜行投明須到
且道他是俗漢陋韻為甚作衲僧一
重關 ○富與貴是人之所欲也貧與賤是人之所惡
也暗穿玉線密度金針 喝一喝云叅

上堂山僧即今在須彌頂上說法 ○未是分外事美

食不中飽人喫休擔水賣河頭 諸人也是在鐵輪峰

頂聽法 ○猶是衲僧家常茶飯若是明眼衲僧不喫

者般茶飯 坐底立底賓主歷然還會麼 ○只許老胡

知不許老胡會會與不會都來是錯 會得盡十方界

乾坤大地在諸人眼睫上放太光明 ○燈籠跳入露

柱佛殿走出山門 其如未然樹頂老山顏醉 ○紫羅

帳裏撒真珠知者正知是寶 擊拂子一下

開爐上堂舉趙州示眾云三十年前南方火爐頭有

箇無賓主話直至而今無人舉著 ○錦心繡口向人

傾通身紅爛火裏看 師云趙老面皮厚三寸要須炙

手助熱其如爐下似春何 ○天荒地老無青眼萬仞

龍門鑽黑雲 直饒而今有人舉著方知三箇枯柴品

字燒 ○昔人既乘白雲去此地空餘黃鶴樓黃鶴一

去又不返白雲千歲空悠悠

上堂一向去一向來 ○一種春風有兩般南枝向暖

北枝寒 慶快你下平生 ○龍得水時添意氣虎靠山

色長威獐ラ忽然傾湫倒嶽入那裏出那裏○白雲堆
裡不見白雲流水聲中不聞流水左顧無瑕右盼已

老ラ昨夜三更失却牛天曉起來失却火○鐵狗吠開
岸上月泥牛觸破嶺頭雲和盤托出夜明珠
卓拄杖

一下

上堂舉盤山云向上一路千聖不傳○下氣怡色柔

聲以諫漁翁睡重春潭潤白鳥不飛舟自橫慈明云

向上一路千聖不然○吳子曰凡制國治軍必教之

以禮勸之以義使有耻師云二大老只解鬼爭添桶

○孔子曰衆惡之必察焉衆好之必察焉山僧

便道向上一路千聖齊行○短袴長衫白苧巾唧

月下急推輪洛陽路上相逢著悉是經商賣買人

槐安國語下之上



